



UNIVERSITÄTS-  
BIBLIOTHEK  
PADERBORN

**Cursus Biennalis Studii Canonici, Sive Succincta Et  
Methodica Sacrorum Canonum Explanatio**

**Engelhard, Johann Martin**

**Moguntiae, 1700**

Titulus XX. De Corpore vitiatis ordinandis vel non.

---

[urn:nbn:de:hbz:466:1-63255](https://nbn-resolving.org/urn:nbn:de:hbz:466:1-63255)



næ in officio publico constitutæ, tam diu ordinari prohibentur, donec post redditas rationes plenam muneris sui liberationem & abolutionem obtinuerint. *cap. un. b. t.* Ratio prohibitionis est infamia quam similes personæ ob malam administrationem incurrunt, quæ in ecclesiam redundaret; & quod id facere præsumantur in fraudem; si enim ordinati sint, non potest contra illos fieri plena debitorum executio; obstat enim privilegium competentiae, vi cuius ordinatis congrua sustentatio relinqui debet. uti *lib. 3.* dicimus. Sunt enim quandoque nequiculi, qui non tam studio devotionis, quam declinandi fori sæcularis gratiâ in fraudem suorum creditorum, veletorum quorum res administrant, ad sacros ordines anhelant, quos præsens titulus repellit.

## TITULUS XX.

De

### Corpore vitiatis ordinandis vel non.

**Q**UÆRES 1. Quinam hoc titulo à sacris ordinibus arceantur? Resp. Illi, qui defectum sive vitium in corpore habent; in quo lex nova imitatur veterem, quæ ob levissimam maculam homines à ministerio altaris repellebat. *Levit. 22.*

**Q**UÆRES 2. Quinam defectus corporalis exercitio aut susceptioni ordinum obstet? Resp. Ille solus, qui vel congruum ordinis exercitium, præfertim



fertim celebrationem missæ impedit, vel notabilem deformitatem inducit. *cap. 2. § fin. h. t. § cap. Presbyterum de Cleric. agrot.* Prioris generis defectus sunt abscissio brachii, manus, vel etiam duorum digitorum cum medietate palmæ; item carentia indicis vel pollicis, qui ad frangendam & elevandam S. Hostiam necessarij sunt, & digiti canonici vocantur; & carentia oculi sinistri. Posterioris generis vitia sunt, claudicatio, ita ut quis absque pede ligneo incedere non possit. Brachia tam parva ut decenter elevare nequeat, macula in facie asperita horrida, sex digiti in unâ manu, duo capita &c. Item carentia, narium, vel etiam aurium, nisi defectus iste capillis tegi possit; quorum omnium ratio hæc est, quod tales vitiati sine indecentiâ vel scandalo ministerium suum peragere nequeant.

**QUÆRES 3.** An quodcunque vitium vel defectus in corpore impedimentum ponat ordini. **Resp.** Negative, sed facienda est distinctio inter vitia cum vel sine culpâ contracta; vitia enim corporis occulta, si sine culpâ vitiati illata fuerint, suscipiendis non obstant ordinibus; hinc si quis in incunabilis sectus, aut eam injuriam ab hoste passus fuerit, ordinari poterit. *cap. 3. 4. § 5. h. t.* Si vero culpâ vitiati contracta sint, ab ordinibus remouentur, etiam si exigua fuerint & occulta. Quâ de causâ ordinari nequeunt, qui mutilationem occultam in duello contraxerunt, vel seipos causâ retinendam vocis voluntariè castrarunt; Ratio est, quod non consideretur deformitas, sed injuria creatori illata, qui dum in corpus suum sæviunt, sese indignos sacris ordinibus efficiunt. *cap. 1. § 3. h. t.*

**OBJICIES.** Sacerdos, qui virilia sibi facit am-



cit amputari, credens obsequium se præstare Deo,  
officium suum exercere potest. *cap. significavit. 4. b. t.*  
Ergò castratio voluntaria non ponit impedimen-  
tum ordini. Resp. Concesso anteced. Nego Con-  
sequent. Quia etiam talis incurrit irregularita-  
tem vel totalem, si laicus fuerit, vel partialem, si  
fuerit, clericus. Quia Pontifex consultus respon-  
dit, quod talis castratus ad ministerium altaris ad-  
mitti non debeat, possit autem alia officia sacer-  
dotalia exercere, v. gr. baptizare, pœnitentes ab-  
solvere, moribundos inungere, non verò missam  
celebrare. *Pirrh. h. t. num. 12.*

QVÆRES 4. Quis super tali irregulari-  
tate dispensare possit? Resp. Vel irregularitas pro-  
venit ex delicto, vel ex corporis defectu, eoque pu-  
blico vel occulto. Si ex delicto publico, vel eti-  
am defectu notabilem deformitatem inducente  
orta fuerit, soli Pontifici est reservata dispensatio,  
ut docent Doctores communiter; Si verò ex deli-  
cto vel defectu occulto oriatur, Episcopus dispen-  
sabit *Pirrh. h. t. num. 15.*

OBJICIENS In capitulo *significavit 4. b. t.*  
Libertati & Judicio Episcopi relinquitur, ut is  
Sacerdotem se ipsum castrantem ad officium Sacer-  
dotale admittat, ergò dispensatio super irregulari-  
tate competit Episcopo. Resp. Concesso anteced.  
distinguo consequens; ergò dispensatio super ali-  
quâ irregularitate relinquitur Episcopo concedo, su-  
per omni nego, vel dico Episcopum dispensare non  
auctoritate propriâ, sed apostolicâ sibi delegatâ. *Co-  
varr. i. parte relect. clem. si furiosus de homicidio.*  
*in principio.*